

«ՎՐԱՍՏԱՆԸ» 100 ՏԱՐԵԿԱՆ Ե

ԲԱՐԵԿԱՍՈՒԹՅԱՆ ԵՎ ՀԱՄԱԿԵՑՈՒԹՅԱՆ 100 ՏԱՐԻ

(Սկիզբը՝ 1-ին էջում)

Վիրահայ համայնքի ներկայացուցիչների թվում եղել են հիմա էլ կան գիտնականներ, բժիշկներ, մարզիկներ, արվեստագետներ..., ովքեր նշանակալի ավանդ են ներդրել երկրի առաջընթացում: Երկրում գործում են 120 հայկական դպրոցներ, մշակութային կենտրոններ ու համույթներ... Թեթիսիում է գտնվում Հայ գրողների եւ հասարակական գործիչների «Խոջիվանքի» պանթեոնը, նաեւ դեռեւս 1858 թվականին հիմնադրված Թեթիսիի Պետրոս Աղամյանի անվան պետական հայկական դրամատիկական թատրոնը:

Սակայն մարդկանց գիտակցական մակարդակի բարձրացման հարցում առանձնակի նշանակալի է հասարակության համար ընկալելի լեզվով տեղեկության մատուցումը: Բնականաբար, նկատի ունեն մամուլը:

Նմաններից մեկը 1920 թվականից Վրաստանում լույս տեսնող հայալեզու «Վրաստան» թերթն է, որն օբյեկտիվ տեղեկություն է փոխանցում բնակչությանը եւ նպաստում նրանց հուզող տարբեր բնույթի հիմնախնդիրների կարգավորմանը:

1986 թվականից թերթի խմբագիր Վան Բայբուրթյանը, բարձր ինտելեկտուալ ու բացառիկ անձնավորություն, մեծապես նպաստում է թերթի ժողովրդականության մեծացմանը, նշանակալի օգնություն ցուցաբերում Վրաստանում ապրող ազգությամբ հայ բնակիչներին, ովքեր մինչ օրս չեն տիրապետում վրաց լեզվին, նրանց տրամադրելով ստույգ, օբյեկտիվ տեղեկատվություն երկրում առկա իրավիճակի մասին:

Վան Բայբուրթյանը, թերթի միջոցով հասարակության շրջանում արմատավորում է Վրաստանի եւ վրաց ժողովրդի նկատմամբ հարգանքը, հավատարմությունը:

մամբ հարգանք, հավատարմություն եւ սեր, ինչով հզորացնում է ազգամիջյան բարեկամությունը:

Իսկ թերթի բազմաբովանդակ գործունեության գլխավոր ուղղությունը միշտ եղել է Վրաստանի ազգությամբ հայ քաղաքացիներին իրատեսական տեղեկատվության փոխանցումն ու վրաց հասարակություն ինտեգրմանն աջակցումը:

Ազգային բազմերանգությամբ աչքի ընկնող Վրաստանում պետությունն ամեն ինչ անում է, որպեսզի ազգային փոքրամասնությունների ներկայացուցիչները ներգրավվեն հասարակական կյանք, երկրի նյութական եւ մշակութային արեժեքների ստեղծմանը:

ԹԵԹԵՎԱՆ ԳԱՐՐՈՒՄԵՆՎԻԼԻ
Վրաստանի կանանց խորհրդի գործադիր խորհրդի նախագահ

ՇՆՈՐՀԱՎՈՐ ՀՈԲԵԼՅԱՆԴ, «ՎՐԱՍՏԱՆ»

(Սկիզբը՝ 1-ին էջում)

Ջավախեթի բնակիչներիս համար «Վրաստանը» յուրահատուկ դեր ու նշանակություն ունի: Սա այն պարբերականն է, որը մեր երկրամասի բնակիչներին օբյեկտիվ տեղեկություններ է փոխանցում Վրաստանում տեղի ունեցող իրադարձությունների, օրենսդրական փոփոխությունների մասին, օգնում քիզնեսի կազմավորման ու գործարկման հարցերում: Թերթի նշանակությունը է՛լ ավելի է կարեւորվում, եթե հաշվի առնենք այն հանգամանքը, որ մեր երկրամասի բնակիչների զգալի մասի համար պետական լեզվի իմացությունը դեռեւս մնում է հիմնախնդրային: Ուստի վիթխարի է թերթի նշանակությունը վիրահայոց մշակութային եւ կրթական կյանքում:

Ինչ վերաբերում է «Վրաստանի» հետ անձամբ իմ կապին, ապա այն տասնամյակների պատմություն ունի: Մեկ անգամ չէ, որ դեռեւս

պատգամավոր լինելուս տարիներին, թերթի միջոցով առնչվել եմ իմ ընտրողների հետ, պատմել այն քաղաքների մասին, որոնք իրականացրել են մեր բնակիչների կենցաղային եւ սոցիալական վիճակի բարելավման ուղղությամբ:

Թանկագին «վրաստանցիներ», ի սրտե շնորհավորում եմ թերթի առաջին համարի լույսընծայման մեկդայա հոբելյանի առիթով: Թերթի գլխավոր խմբագիր Վան Բայբուրթյանին, խմբագրության բոլոր աշխատակիցներին մաղթում եմ քաջառողջություն, երջանկություն, ստեղծագործական հաջողություններ, իսկ «Վրաստանին» երկարակեցություն եւ կորով՝ ստանձնած առաքելության արժանապատիվ իրականացման մեջ:

ՄԵԼՍ ԲՊՅԱՆ
Վրաստանի խորհրդարանի նախկին մեծամասնական պատգամավոր, ում ստորագրությունը դրվել է նորանկախ Վրաստանի անկախության հռչակագրին:

ՓԱՐԱՋԱՆՈՎԻ ՄԱՐԿԱՆ 31-ՐԴ ՏԱՐԵԼԻՑԸ

ԹԵԹԻՍԻԻ ՍԱԿՐԵԲՈՒԼՈՅԻ ԱՆԴԱՄՆԵՐԸ ՀԱՐԳԵՅԻՆ ԿԻՆՈՒԹԵԺԻՍՈՐ ՍԵՐԳՈ ՓԱՐԱՋԱՆՈՎԻ ՀԻՇԱՏԱԿԸ

Հուլիսի 20-ին Մեծ Արվեստագետի մահվան 31-րդ տարելիցին Թեթիսիի Սակրեբուլոյի փոխնախագահ Մարիկա Դարչիան, պատգամավորներ՝ Նինո Ռուխաձեն, Աննա Լաշիս, Սակրեբուլոյի կից ազգային փոքրամասնությունների խորհրդի նախագահ Ռիտա Խիդիրբեգիշվիլին, «Վրաստան» թերթի գլխավոր խմբագիր Վան Բայբուրթյանը, «Վրացահայերի միություն» ՂԿ նախագահ Մարի Առաքելովան, տիկնիկագործ Արմեն Հովհաննիսյանը ծաղիկներ խոնարհեցին Շարդենում գտնվող Սերգո Փարաջանովի հարթաքանդակի մոտ:

Իր ելույթում Մարիկա Դարչիան կիսվեց ուրախալի լուրով. **«Մեծ ցանկություն ունեցինք հարգել Փարաջանովի հիշատակը: Նա թողել է մեզ շատ հետաքրքիր գործեր՝ բոլորովին այլ գեղագիտական բովանդակությամբ: Ուրախալի է նաեւ, որ այսօր Սակրեբուլոն սկսեց քննարկել Թեթիսիի փողոցներից մեկը Սերգո Փարաջանովի անվամբ կոչելու հարցը: Խոսքն այն փողոցի մասին է, որտեղ ապրում էր մեծ կինոռեժիսորը: Համոզված եմ, որ այս փողոցն է՛լ ավելի է գեղեցկացնելու մեր գեղեցիկ մայրաքաղաքը»:**



Սակրեբուլոյի անդամ Նինո Ռուխաձեն Սերգո Փարաջանովին անվանեց Թեթիսիի հանճարեղ զավակ. **«Թեթիսիում Սերգո Փարաջանովին մահ եւ կամ մոռացություն չի վիճակված: Հուսով եմ, որ Սերգո Փարաջանովը այս կամ այն կերպ դեռ շատ անգամներ է հայտնվելու մեր քաղաքում: Հավատացած եմ, Թեթիսիի Սակրեբուլոն կկարողանա իր ավանդը ունենալ քաղաքի հիշողության մեջ Սերգո Փարաջանովի անունը հավերժ պահելու եւ անմահացնելու գործում»:**

ԹԵԹԻՍԻԻ ՍԱԿՐԵԲՈՒԼՈՅԻ ՄԱՍԼՈ ՃԱՌԱՅՈՒԹՅՈՒՆ

ՀՈԲԵԼՅԱՆ


ՎԱԺԱ ԱԶԱՐԱՇՎԻԼԻՆ 85 ՏԱՐԵԿԱՆ Ե

Վրաստանի ժողովրդական արտիստ, Թեթիսիի պատվավոր քաղաքացի, հանրաճանաչ կոմպոզիտոր Վաժա Ազարաշվիլին տոնեց իր 85-ամյա հոբելյանը:

Նրա գրչին են պատկանում տասնյակ երգեր ձոնված Թեթիսիին եւ ոչ միայն, որոնք կատարվել են համաշխարհային բեմերում՝ աշխարհառջակ երգիչների ու նվագախմբերի կողմից: Վաժա Ազարաշվիլու ստեղծած գոհարների թվում է նաեւ բանաստեղծուհի, բարգմանչուհի Անահիտ Բոստանջյանի (1949-2017) «Դավաճանություն» բանաստեղծության տողերով գրված երգը, որ հնչել է թեթիսյան տարբեր բեմերից, ինչպես նաեւ ճանաչված երգչուհի Իրմա Սոխաձեի եւ Աննա Բա-

դալյանի կատարմամբ:

«Վրաստան» թերթը միանում է մեծ երաժշտի ին ուղղված շնորհավորանքներին, սիրելի կոմպոզիտորին մաղթելով ստեղծագործելու երկար ու անդավաճան տարիներ՝ երջանկության, քաջառողջության ու բարեկեցության պայմաններում:



ԽՈՋԻՎԱՆՔԻ ՊԱՆԹԵՈՆՈՒՄ ԲԱՑՎԵՑ ՍԵՐԳՈ ՓԱՐԱՋԱՆՈՎԻ ՀՈՒՇԱՏԱԽՏԱԿԸ

Լեզենդար Սերգո Փարաջանովի մահվան 31-րդ տարելիցն այս տարի նշանավորվեց երկու կարեւոր իրադարձություններով, որից մեկը դարձավ ամիսներ առաջ սկիզբ առած նախաձեռնության շարունակությունը:

Ինչպես հայտնել ենք մեր ընթերցողին, մարտի 28-ին թեթիսյան ճանաչված ռեժիսոր, փարաջանովագետ Գիա Ալավիձեի (խոսե Մաջինբե), Թեթիսիի «Հովհաննես Թումանյանի տուն» կենտրոնի, «Վրաստան» թերթի նախաձեռնությամբ եւ Գագիկ ու Ռաֆայել Աղաջանյան եղբայրների աջակցությամբ Թեթիսիի Հայ գրողների եւ հասարակական գործիչների խոջիվանքի պանթեոնում, Երեւանում գտնվող Փարաջանովի գերեզմանից բերված հողում տնկարկվեց Մեծ Վարդեսի Նոնենին: Եվ ահա, հուլիսի 20-ին Պանթեոնում կայացավ այդ արարողությունը փաստող հուշատախտակի բացումը:

Միջոցառմանը հնչեցին հայ ու վրացի աշխարհիկ ու հոգեւոր գործիչների ելույթներ: Փարաջանովի գործունեությունն ու Թեթիսի այս կերպ վերադարձն արժեւորեցին Գիա Ալավիձեն, «Վրաստան» թերթի գլխավոր խմբագիր Վան Բայբուրթյանը, Վիրահայոց թեմի փոխառաջնորդ Նշան վարդապետ Հմայակյանը, «Հովհաննես Թումանյանի տուն» կենտրոնի ղեկավար Գիասեն Հովսեփյանը, «Միասին» ՀԿ ղեկավար Լեւոն Զիդիլյանը, հնդկական «Բոլիվոլդի» կինոդերասան, թեթիսյան Դավիթ Մանուչարովը, բանաստեղծներ, հայր եւ դուստր Միքայել եւ Աննա Անանովները: Իրենց ներկայությամբ Փարաջանովի հիշատակը պատվեցին Վրաստանում Հայաստանի դեսպանության դիվանագետներ Աննա Սահակյանը, Լեւոն Զարգարյանը, Ավետիք Հարությունյանը բարերար Ռաֆիկ Աղաջանյանը, «Վրացահայերի միություն» ՀԿ ղեկավար Մարի Առաքելովան, վրացի ու հայ մտավորականներ:

Իր ելույթում Գիա Ալավիձեն հայտնեց, որ «Սերգո Փարաջանով՝ գեղեցիկի Վարդեսը» ֆիլմը, ուր մասնակցում են հռչակավոր վրացի ռեժիսորներ Նանա Դոդոբերիձեն, Էլզար Շենգելախան, Մերաբ Բոքոջաշվիլին եւ լեզենդար կոմպոզիտոր Գիա Ղանջելին, շուտով կհնչի նաեւ հայերեն, որն, ըստ վրաց ռեժիսորի, ցանկալի է ցուցադրվի նախ Երեւանում: Խոսքի ավարտին, Գիա Ալավիձեն ներկայներին լսելի դարձրեց Փարաջանովի վերջին հարցազրույցը:

Պանթեոնում նոր ավանդույթ ձեւավորելու շուրջ խոսեց Վան Բայբուրթյանը. **«Այս մեկն ու հաջորդող մյուսները կարգախոսի տակ, տարեվերջին նախատեսում ենք տնկարկել նաեւ Առնո Բաբաջանյանի ծառը՝ Ծիրանենին»,-** ասաց նա:



Գիա Ալավիձեն Ս.Փարաջանովի հուշատախտակի մոտ

«Որքան բացահայտում, նույնքան չբացահայտված շերտ է մնում Փարաջանովից ու միշտ մնում է ասելու վերջին խոսքը»,- շեշտեց Նշան վարդապետ Հմայակյանը:

Լեւոն Զիդիլյանն իր երախտիքը հայտնեց հատկապես Գիա Ալավիձեին, ընդգծելով ռեժիսորի անձնուրաց նվիրումը Փարաջանովին քարոզելու, նրա մասին անընդհատ բարձրաձայնելու եւ տարբեր գույներով ներկայացնելու գործում:

ԹԵԹԻՍԻԻ ԱՅՆ ՓՈՂՈՑՆ, ՈՒՐ ԱՊՐԵԼ Ե ՓԱՐԱՋԱՆՈՎԸ, ՀՈՒՏՈՎ ԿԿՐԻ ՄԵԾ ՎԱՐԴԵՏԻ ԱՆՈՒՆԸ

Ինչպես նշեցինք նյութի սկզբում, հուլիսի 20-ն ընդգրկեց փարաջանովյան մեկ իրադարձություն եւս: Խոսքը Թեթիսիի փողոցներից մեկը Սերգո Փարաջանովի անվամբ կոչելու Սակրեբուլոյի Սիմվոլիկայի եւ անվանակոչման հանձնաժողովի որոշման մասին է: Հանձնաժողովը միաձայն որոշում է կայացրել Գիա Ալավիձեի առաջարկ-դիմումի հիման վրա, որին միացել են բազմաթիվ թեթիսյաններ: Ուրախությամբ հայտնենք, որ մոտ ժամանակներում որոշումը պաշտոնապես կհաստատվի Թեթիսիի Սակրեբուլոյի կողմից եւ տեղի կունենա Սերգո Փարաջանովի փողոցի անվանակոչման հանդիսավոր արարողությունը:

Ի դեպ, նշենք, որ Թեթիսիում ներկա դրությամբ կան՝ Հովհաննես Թումանյանի, Խաչատուր Աբովյանի, Սայաթ-Նովայի, Արտեմ Լուսինյանի, Գաբրիել Սունդուկյանի, Ալբերտ Իսահակյանի, Վահան Մամասախիսովի, Իսախան Լեւոն Օրբելիների, Իվան Ֆրանգուլյանի, Նիկոլոզ Խուդադովի, Գլխաթ Զախարովի, Արամ Խաչատրյանի, Կիրիակ Ջավրիելի անվան, ինչպես նաեւ Արարատի, Սեւանի, Երեւանի, Սոմխեթի (Հայաստան), Սուրբ Նշանի փողոցները:

ԳԱՅԱՆԵ ԲՈՍԱՆՋՅԱՆ

COVID - 19

ԻՐԱՎԻՆ ԴԱՐԻՔԱՇՎԻՒՒ. «ՈՒԶՈՒՄ ԵՄ ԿՈՉ ԱՆԵԼ ՄԵՐ ԲԱՂԱՔԱՑԻՆԵՐԻՆ ԱԿՏԻՎՈՐԵՆ ՆԵՐԳՐԱՎԿԵԼ ՊԱՏՎԱՍՏՈՒՄՆԵՐԻ ԳՈՐԾԸՆԹԱՑԻՆ»

Հունիսի 23-ին, Վրաստանի վարչապետ Իրակլի Դարիբաշվիլին Միջգերատեսչական համակարգող խորհրդի նիստին երկրի քաղաքացիներին կոչ արեց առավել ակտիվորեն ներգրավվել պատվաստման գործընթացին:

Ինչպես նշեց կառավարության ղեկավարը, հունիսի 23-ին Վրաստան է ներմուծվել կես միլիոն «Pfizer» պատվաստանյութ, բացի այդ, երկիրն ունի նաեւ մեկուկես միլիոն չինական պատվաստանյութ:

- Մեր ամբողջ ուշադրությունը պետք է ուղղված լինի զարգացման ու պատվաստման վրա:

Այսօր կատանանք կես միլիոն «Pfizer» պատվաստանյութ: Սա ԱՄՆ կառավարության աջակցություն է մեզ: Բացի այդ, Վրաստանում կա 1,5 միլիոն չինական պատվաստանյութ եւ կուզենայի կոչ անել մեր քաղաքացիներին ակտիվորեն ներգրավվել պատվաստումների գործընթացին,- ասաց Իրակլի Դարիբաշվիլին:

ԷԿԱՏԵՐԻՆԵ ՏԻԿԱՐԱԶԵ. «ՄԵԿՆԱՐԿԵՑ «PFIZER» ՊԱՏՎԱՍՏԱՆՅՈՒԹԻ ԵՐԿՐՈՐԴ ԴԵՂԱՉԱԹԸ ՄՏԱՅՈՂՆԵՐԻ ԳՐԱՆՅՈՒՄԸ»

Հունիսի 23-ին Վրաստանի առողջապահության նախարար Էկատերինե Տիկարաձեն Միջգերատեսչական համակարգող խորհրդի նիստի ավարտին կայացած ծնադրույցում հայտարարեց, որ մեկնարկեց պատվաստանյութի երկրորդ դեղաչափը ստացողների գրանցումը:

Նրա խոսքով՝ բնակչությունը պատվաստանյութի երկրորդ դեղաչափը ստանալու համար ամրագրել կարող է հունիսի 26-ից օգոստոսի 14-ն ընկած ժամանակահատվածում:

- Այսօր արդեն վերսկսվում է «Pfizer» երկրորդ դեղաչափը ստանալու համար ամրագրումը՝ հունիսի 26-ից օգոստոսի 14-ը ժամանակահատվածում ցանկալի ամսաթվին՝ 37 կլինիկաներից մեկում: Հայտնի է, որ «Pfizer» երկրորդ դեղաչափի համար նախատեսված է 21 օր:

Քաղաքացիներին դիմում ենք խնդրանքով՝ գրանցվել «Pfizer» երկրորդ դեղաչափի համար մինչև

չեւ հունիսի 24-ը ժամը 12:00-ն, հակառակ դեպքում, նրանք ավտոմատ կգրանցվեն նույն կլինիկայում, ուր ստացել են առաջին պատվաստումը: Իսկ եթե գրանցվեք ինքներդ, ապա կընտրեք ձեր ցանկալի օրը,- ասաց Էկատերինե Տիկարաձեն:

Ավելացնենք, որ առողջապահության նախարարի հրամանի համաձայն, Վրաստանում «Pfizer» պատվաստանյութը հասանելի կլինի 16 տարեկանից:

Մասնավորապես, կորոնավիրուսի դեմ կպատվաստվեն 16 տարեկան եւ բարձր տարիքի անձինք:



«Պատվաստումը կատարվում է 16 տարեկանից բարձր բնակչության շրջանում, պատվաստումների ընթացքը բաղկացած է երկու ներարկումներից, պատվաստումների միջանկյալ ժամանակը առնվազն 21 օր է,- ասված է հրամանում:

«ՀԵՌԱՎԱՐ ՈՒՍՈՒՑՈՒՄԸ ԵԼՔ ԶԷ, ՊԵՏՔ Է ՊԱՏՎԱՍՏՎԵԼ»



Վրաստանի առողջապահության նախարարության հանձնարարականների համաձայն, ցանկալի կլինեն, եթե դպրոցի անձնակազմը օգտագործեր հունիս եւ օգոստոս ամիսներն ու ակտիվորեն պատվաստվեր՝ ուսումնական տարին անվտանգ միջավայրում դիմավորելու համար:

Առողջապահության փոխնախարար Թամար Գաբունիայի խոսքով, դպրոցներում սահմանափակումներ ներդնելը եւ հեռավար ուսուցման անցումը

անցնելը չի լուծի կորոնավիրուսի ավելացած դեպքերի հետ կապված խնդիրը: Ըստ Թամար Գաբունիայի, պատվաստումն անհրաժեշտ է:

- Հաշվի առնելով, որ երկրում ունենք մեկուկես միլիոն դեղաչափ պատվաստանյութ եւ սպասում ենք եւս մեկ միլիոն, դպրոցների հետ կապված՝ իմ եւ առողջապահության նախարարության հիմնական հանձնարարականն է՝ օգտագործել հունիսն ու օգոստոսը ակտիվ պատվաստումների

համար, որպեսզի դպրոցներն ուսումնական տարին դիմավորեն անվտանգ միջավայրում: Այսօր դպրոցում սահմանափակումը լուծում չէ, ոչ էլ հեռավար ուսուցումն է լուծում: Լուծումը պատվաստումն է: Այսպիսով, ես խնդրանքով դիմում եմ յուրաքանչյուրին, ով զբաղվում է դասավանդմամբ կամ աշխատում է դպրոցական միջավայրում՝ դիմել պատվաստումների կենտրոն: Այսօր նրանց համար իսկապես պատվաստվելու հնարավորություն կա,- ասաց Թամար Գաբունիան:

Ըստ նրա՝ կորոնավիրուսի տարածման ցուցանիշն աճում է երեխաների մոտ եւ մինչ այժմ երկրի հիվանդանոցներում մահճակալների պակաս չկա: Փոխնախարարը նշել է նաեւ, որ երեխաներին վիրուսից պաշտպանելու ամենաարդյունավետ միջոցը կանոնակարգերին հետեւելն ու ծնողների պատվաստվելն է:

ՈՒՄ ՀԱՄԱՐ ՊԱՏՎԱՍՏՈՒՄԸ ԿԴԱՌՆԱ ՊԱՐՏԱԴԻՐ

ԱՌՈՂՋԱԴԱՆՈՒԹՅԱՆ ԵՎ ՀԱՆՐԱԿՐԹԱԿԱՆ ՈԼՈՐՏԻ ՆԵՐԿԱՅԱՌՈՒՅԻՉՆԵՐԻ ՀԱՍԱՐ ՊԱՏՎԱՍՏՈՒՄԸ ՀԱՆՐԱՎՈՐ Է ԴԱՌՆԱ ՊԱՐՏԱԴԻՐ

Ինչպես «Վրաստանի» հետ զրույցում հայտարարեց համավարակաբան Ալեքսանդր Գոգինալան, եթե մինչ օրս հանրությանը գործնականում նույնպես չհաջողվեց համոզել, որ պատվաստումն անհրաժեշտություն է, եւ բոլորը պետք է անցնեն այն, կարծում եմ, առաջիկայում էլ այդ հարցում կծագեն դժվարություններ:

Նրա կարծիքով, պատվաստման անհրաժեշտության մասին հասարակության գիտակցության վրա կառավարական եւ բժշկական կառույցներից բացի, մեծ դեր կարող են կատարել լրատվամիջոցները: Համավարակաբանի համոզմամբ, անհրաժեշտ է անցկացնել քաղաքաշավներ եւ քաղաքացիներին պարզաբանել, թե ինչ ծանր հետեւանքներ կարող է ունենալ պատվաստումից խուսափումը:

- Հնարավոր ամեն ինչ պետք է արվի, որպեսզի

հանրությունը հստակ գիտակցի, թե ինչ ծանր հետեւանքների կարող է հասցնել պատվաստումից խուսափումը: Հարկ է հաշվի առնել, որ համավարակի սրման դեպքում, կրկին կծագի սահմանների փակման եւ խիստ սահմանափակումների ներդրման անհրաժեշտությունը,- նշեց Ալեքսանդր Գոգինալան:

Համավարակաբանը խոսեց նաեւ պարտադիր պատվաստման ներդրման անհրաժեշտության մասին:

Խորագիրը պատրաստեց ԱՐԵՎԻԿԱ ՄԱՆՈՒԿՅԱՆԸ

ԿՈՐՈՆԱՎԻՐՈՒՍ. ԱՇԽԱՐՀՈՒՄ ՎԱՐԱԿՎԱԾՆԵՐԻ ԹԻՎԸ ԳԵՐԱՉԱՆՅԵՑ 193 ՄԻԼԻՈՆԸ

COVID-19-ի հաստատված դեպքերի թիվն աշխարհում անցել է 193 531 261-ը: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 4 154 294-ը: Ապաքինվել է 175 միլիոն 819 հազար 689 մարդ:

Վարակվածների թվով աշխարհում առաջին տեղում ԱՄՆ-ն է, որտեղ կա հաստատված 35 213 594 դեպք: Այստեղ մահացածների թիվը 626 172 է, երկրորդ տեղում Հնդկաստանն է, որտեղ հաստատված դեպքերի թիվը հասել է 31 293 062-ի, մահացածներից՝ 419 502-ի:

Վարակվածների թվով հաջորդ տեղում Բրազիլիան է: Այստեղ վարակվել է 19 524 092, մահացել՝ 547 134 մարդ: Ռուսաստանում կորոնավիրուսով վարակվել է 6 078 522, վարակի հետեւանքով մահացել՝ 152 296 մարդ: Ռուսաստանին հաջորդում են Ֆրանսիան, Մեծ Բրիտանիան, Թուրքիան, Արգենտինան, Կոլումբիան ու Իտալիան:

Հայաստանում, ընդհանուր առմամբ, վարակվածների թիվը հասնում է 228 382-ի, մահացածներինը՝ 4 579-ի, ապաքինվածներինը՝ 218 796-ի:

Ադրբեջանում վարակվածների թիվը կազմում է 339 274 մարդ: Վարակից մահացել է 4 999, ապաքինվել՝ 331 629 մարդ:

Վրաստանում, վերջին տվյալներով, վարակվել է 398 081, մահացել՝ 5 656, ապաքինվել՝ 370 565 մարդ:

Հունիսի 23-ին կորոնավիրուսով վարակման 2460 նոր դեպքերից 1363-ը Թբիլիսիում է, Աջարիայում՝ 240, Իմերեթիում՝ 196, Քվեմո Քարթլիում՝ 139, Շիդա Քարթլիում՝ 118, Գուրիայում՝ 36, Սամեգրելո-Չենո Սվանեթիում՝ 89, Կախեթիում՝ 181, Սքիդեա-Սթիանեթիում՝ 62, Ռաճա-Լեչխումիում եւ Քվեմո Սվանեթիում՝ 11, Սամցխե-Ջավախեթիում՝ 25:

ՎՐԱՍՏԱՆՈՒՄ ՊԱՏՎԱՍՏՈՒՄ ԱՆՑԱԾՆԵՐԻ 67 ՏՈԿՈՍԸ ԿԻՆ Է, 33 ՏՈԿՈՍԸ՝ ՏՂԱՄԱՐԴ

Վրաստանի Հիվանդությունների վերահսկման ազգային կենտրոնի տեղեկությամբ, երկրում պատվաստվածների ընդհանուր թվի 67 տոկոսը կազմում են կանայք, 33 տոկոսը՝ տղամարդիկ: Հաշվետվությունը ներառում է մարտի 15-ից հունիսի 15-ն ընկած ժամանակահատվածը:

Հունիսի 15-ի դրությամբ՝ Վրաս-

տանում առողջապահական հաստատված աշխատող 16.486 մարդ է պատվաստվել:

Վրաստանում մինչ հունիսի 15-ը արված պատվաստումների 40 տոկոսն իրականացվել է «Sinopharm»-ով, 26 տոկոս «Astrazeneca»-ով, 25 տոկոս՝ «Sinovac»-ով, իսկ 9 տոկոս՝ «Pfizer»-ով:

5 ԵՎ ԱՎԵԼԻ ՄԱՐԴԱՆՑ ՆԵՐԿԱՅՈՒԹՅԱՄԲ ԴԻՄԱԿ ԿՐԵԼԸ ՊԱՐՏԱԴԻՐ Է

Վրաստանի հիվանդությունների կանխարգելման եւ հանրային առողջության ազգային կենտրոնից հայտնում են՝ բաց տարածքներում դիմակ կրելը որոշ դեպքերում կրկին պարտադիր կդառնա:

Կորոնավիրուսի վերջին օրերի անհանգստացնող վիճակագրությունը ստիպել է վերանայել որոշ մեղմացումներ: Օրինակ՝ այսուհետ բաց տարածքում եւս դիմակ կրելը պարտադիր կլինի, եթե մի տեղում 5 եւ ավելի մարդ կա: Բացի այդ, կենտրոնն առաջարկում է, որ կառավարությունը սկսի դիմել ավելի խիստ մեթոդների:

Հիշեցնենք՝ բաց տարածքներում դիմակ կրելու պահանջը վերացվել էր հունիսի 22-ին: Հունիսի 24-ին կառավարությունը համաձայնեց հայտարարեց կարանտինի եւ դիմակի ռեժիմի խախտման վարչական տուգանքների համար: Այսօր Հիվանդությունների կանխարգելման եւ հանրային առողջության ազգային կենտրոնի ղեկավար Ամիրան Գամդելիձեն ասել է, որ նման համա-

նքներում այլեւս «չի կրկնվի»:



- Ինչ վերաբերում է պարտադիր պատվաստմանը, ապա քաղաքակրթ ոչ մի երկրում այդ մասին չեն խոսում, փորձում են հարցը լուծել համոզելու միջոցով: Թեպետ բացառված չէ, որ առողջապահության եւ հանրակրթական ոլորտի ներկայացուցիչների համար պատվաստումը դառնա պարտադիր: Այդուհանդերձ, չենք կարծում, որ ժողովրդի համար սա լինի ընդունելի,- հայտարարեց համավարակաբանը:

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆԴՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

ՆԻԿՈԼ ՓԱՇԻՆՅԱՆ. «ՊԱՏՐԱՍՏ ԵՆՔ ՀԱՍԱԳՈՐԾԱԿՈՒԹՅԱՆ` ԶԵՐԾ ԱՏԵԼՈՒԹՅԱՆ ԽՈՍՔԻՅ, ԲՈՆՈՒԹՅԱՆ ԽՈՍՈՒՅԹԻՅ, ՎԻՐԱՎՈՐԱՆՔԻՅ»

(Սկիզբը` 1-ին էջում)

- Ուզում եմ ասել հետևյալը. «Քաղաքացիական պայմանագիր» կուսակցությունն Ազգային ժողովում ու Ազգային ժողովից դուրս տրամադրված է կառուցողական, փոխադարձ հարգանքի հիման վրա հիմնված աշխատանքի` համուն մեր երկրի անվտանգության ու բարեկեցության,- ասաց Նիկոլ Փաշինյանը` հավելելով.

- Մենք պատրաստ են համագործակցության ատելու-

թյան խոսքից, բռնության խոսույթից, վիրավորանքից, արժանապատվությունը նվաստացնող բառապաշարից զերծ աշխատանքի ինչպես խորհրդարանական, այնպես էլ` արտախորհրդարանական ուժերի հետ,- ասաց վարչապետի պաշտոնակատարը` հավելելով, որ արտախորհրդարանական ուժերի հետ համագործակցությունը ինստիտուցիոնալացվում է, իսկ խորհրդարանական ուժերի հետ գործակցությունը ինստիտուցիոնալ է` համաձայն Հայաստանի Սահմանադրության եւ օրենսդրության:

ՀԱՅԱՍՏԱՆ-ՎՐԱՍՏԱՆ ՍԱՀՄԱՆ ՏԱՆՈՂ ՎԱՆԱԶՈՐ-ԱՆԱՎԵՐԴԻ ԾԱՆԱԴԱՐՅԻ ՎԵՐԱՆՈՐԴՈՒՄԸ ԿԱՎԱՐՏՎԻ ԱՇՆԱՆԸ

Հայաստանի` Վանաձոր եւ Ալավերդի քաղաքների միջով Վրաստանի սահման տանող ճանապարհի վերանորոգման աշխատանքները կավարտվեն ընթացիկ տարվա աշնանը:

Հայաստանի տարածքային կառավարման եւ ենթակառուցվածքների նախարարության տարածած հայտարարության համաձայն, M6 մայրուղու (Վանաձոր-Ալավերդի-Վրաստանի հետ սահման) վերականգնումը ծրագրվում է

ավարտել օգոստոսի 31-ին:

Շինարարության արդյունքում կկրճատվի Վանաձորից վրացական սահման հասնելու համար անհրաժեշտ ժամանակը, ճանապարհի թողունակությունը կդառնա օրական 3500 մեքենա`

նախկին 2800-ի փոխարեն: Նոր կամուրջ է կառուցվում Հայաստան-Վրաստան սահմանին` սահմանամերձ Դեբեդ գետով: Շինարարությունը նախատեսված է ավարտել 2022 թվականի մայիսին:

90 կմ երկարությամբ M6 մայրուղին վերանորոգվում է` եվրոպական ներդրումային բանկի եւ Ասիական զարգացման բանկի վարկային միջոցներով` 51 միլիոն եվրոյի չափով:

COVID-19-Ի ԴԵՄ ՊԱՏՎԱՍՏՄԱՆ ԳՈՐԾԸՆԹԱՑՆ ԱԿՏԻՎԱՆՈՒՄ Է

Հայաստանում COVID-19-ի դեմ պատվաստումների մեկնարկից ի վեր, հուլիսի 18-ի դրությամբ կատարվել է 131 080 պատվաստում, որից առաջին դեղաչափ` 94 560, երկրորդ դեղաչափ` 36 520:

Հայաստանի առողջապահության նախարարությունը հիշեցնում է, որ «AstraZeneca»-ով, «Sputnik-V»-ով եւ

«Coronavac»-ով պատվաստումները կարող են իրականացվել 18 եւ բարձր տարիքի անձանց շրջանում, ըստ

դիմելիության, կամավորության սկզբունքով:

Պատվաստումներն իրականացվում են առողջության առաջնային պահպանման կազմակերպություններում շաբաթվա բոլոր օրերին, շաբաթ եւ կիրակի սահմանվել են հերթապահություններ` ժա-

մը` 10:00-16:00-ը:

Նախապես պետք է զանգահարել նախընտրած պոլիկլինիկա` անկախ կցագրումից, եւ գրանցվել պատվաստման համար: Կարող են պատվաստվել նաեւ օտարերկրյա քաղաքացիները: Պատվաստումներն անվճար են:

10 ՕՐԻՑ ԱՎԵԼԻ ՀԱՅԱՍՏԱՆՈՒՄ ԳՏՆՎՈՂ ՕՏԱՐԵՐԿՐԱՑԻՆ ԿԱՐՈՂ Է ԱՆՎՃԱՐ ՊԱՏՎԱՍՏՎԵԼ «ASTRAZENECA»-ՈՎ

Հայաստանում 10 օրից ավելի գտնվող զբոսաշրջիկները կարող են անվճար պատվաստվել «AstraZeneca»-ով:

Զբոսաշրջիկների համար պատվաստակենտրոնները գործում են միայն Երեւանում, որտեղ, ըստ հայկական լրատվամիջոցների, արդեն կու-

տակվել են պատվաստվել ցանկացող մարդկանց հերթերը:

Ըստ պաշտոնական տվյալների, Հայաստանում պատվաստված է բնակ-

չության միայն 3,5 տոկոսը (ավելի քան 100 հազար մարդ): Բնակչության մեծ մասը պատվաստվում է ռուսական «Sputnik-V» դեղամիջոցով, որին հաջորդում են բրիտանական «AstraZeneca»-ն եւ չինական «Coronavac»-ը:

ԶԱՐԵՅ ՍԻՆԱՆՅԱՆ. «ԿՈՐՈՆԱՎԻՐՈՒՄՆ ՈՒ ՊԱՏԵՐԱԶՄԸ

ԽՈԶԸՆԴՈՏԵԼ ԵՆ ՀԱՅՐԵՆԱԴԱՐՁՈՒԹՅԱՆ ԳՈՐԾԸՆԹԱՑԸ»

Հուլիսի 22-ին, Սփյուռքի գործերի գլխավոր հանձնակատար Զարեհ Սինանյանը կառավարության նիստից հետո անդրադարձավ հայրենադարձության խնդրին:

- Իհարկե, 2018 թվականից հետո մեծ թվով մեր հայրենակիցներ գնել են անշարժ գույք Հայաստանում, ինչ-որ քանակ նաեւ հայրենադարձվել է: Իհարկե, ե՛ւ կովիդը, ե՛ւ պատերազմը խոչընդոտել են, որ այդ գործընթացը լինի շարունակական,- ասաց Զարեհ Սինանյանը:

Անդրադառնալով Էկոնոմիկայի նախարարի պաշտոնակատար Վահան Քերոբյանի հայտարարությանը, որ մեծ

թվով աշխատատեղեր են ստեղծվում Հայաստանում եւ պետք է սփյուռքից ներգրավել մեր հայրենակիցներին` Սինանյանը նշեց.

- Աշխատատեղեր ապահովելը դա արդեն զուտ կոչ չէ, եթե աշխատատեղերի մեծ աճ է գրանցվում, դա արդեն գործընթաց է եւ գոնե մի բովանդակային մաս, որ նպաստելու է հայրենադարձությանը,- ընդգծեց նա:



ՄԵԿՆԱՐԿԵՅ ՍՓՅՈՒԴԱԶԱՅ ՌԵՍՈՒՅԻՆՆԵՐԻ ՎԵՐԱՊԱՏՐԱՍՏՄԱՆ ԾՐԱԳԻՐԸ

Հուլիսի 23-ին առցանց ձեռնագիրով մեկնարկեց սփյուռքահայ ուսուցիչների վերապատրաստման ծրագիրը:

Վերապատրաստման ծրագրի մեկնարկի կապակցությամբ ԿԳՄՍ նախարարի պաշտոնակատար Վահրամ Դումանյանը շնորհավորել է սփյուռքահայ ուսուցիչներին` ընդգծելով. «Նախարարությունն առանձնահատուկ կարեւորություն է տալիս սփյուռքի ուսուցիչների վերապատրաստմանը Հայաստան-սփյուռք համագործակցության համատեքստում եւ ձգտում է առավելապես օգտակար լինել: Վերապատրաստումներին զուգընթաց, կարեւորագույն խնդիրներից է նաեւ սփյուռքի կրթօջախներին դասագրքերով եւ ուսումնական անհրաժեշտ նյութերով ապահովումը: 2021 թվականի հունվարից սկսած` 14 երկրի 47 կրթօջախներ-

րին տրամադրվել է շուրջ 20000 կտոր ուսումնական գրականություն»:

Արդեն երկրորդ տարին է, ինչ սփյուռքահայ ուսուցիչների վերապատրաստման ծրագիրը նախարարության կողմից կազմակերպվում է հեռավար ձեռնագիրով` պայմանավորված COVID-19 համավարակով: Հաշվի առնելով հեռավար ձեռնագրի սահմանափակումները` ծրագրային բովանդակության մշակման ընթացքում շեշտադրումը կատարվել է նոր գիտելիքի փոխանցման, կարողությունների եւ հմտությունների զարգացման վրա: Միաժամանակ, մշակութային միջոցառումների փոխարեն, օրինակ` այցելություններ թանգարաններ, մշակութային գործիչների հետ հան-

դիպումներ եւ այլն, կազմակերպվելու են թանգարանային հեռավար ուսուցում եւ թեմատիկ դասախոսություններ:

Այս տարվա առցանց վերապատրաստմանը մասնակցում են սփյուռքի կրթօջախների շուրջ 140 ուսուցիչներ` շուրջ 20 երկրից, ներառված են հետեւյալ յոթ ծրագրային ուղղությունները` ուսուցում մանկապարտեզում, ուսուցում մեկօրյա դպրոցում, տարրական ուսուցում, հայոց լեզվի եւ գրականության դասավանդում, Հայոց պատմության դասավանդում, հայ մշակույթի պատմության եւ արվեստի դասավանդում, վերապատրաստում տնօրենների համար:

Մեկամայա դասընթացների կազմակերպումը մրցույթով ստանձնել է «Ֆիչըր» («Feature») կազմակերպությունը` «ՊրոԴեՖորմ» («ProDeForm») կազմակերպության հետ համագործակցությամբ:

ԿԱՅԱՑԱՎ ՆԵԿՈՒ ԾԱԵՐՆՅԱՆ ՎԱՐԴԱՐՄԻՐ ՊՈՒՏԻՆ ԶԵՐԱԽՈՍԱԶՐՈՒՅՁԸ

Հուլիսի 22-ին Հայաստանի վարչապետի պաշտոնակատար Նիկոլ Փաշինյանը հեռախոսազրույց է ունեցել Ռուսաստանի Դաշնության նախագահ Վլադիմիր Պուտինի հետ:

Կողմերը համագամանալից քննարկել են տարածաշրջանին վերաբերող եւ փոխադարձ հետաքրքրություններ կապերի լայն շրջանակ: Անդրադարձ է կատարվել 2020 թվականի նոյեմբերի 9-ի եւ 2021 թվականի հունվարի 11-ի եռակողմ հայտարարությունների շրջանակներում ձեռք բերված պայմանավորվածությունների իրականացման ընթացքին, մասնավորապես, գերինների վերադարձի խնդրին եւ տարածաշրջանային ճանապարհների վերագործարկմանը:

Քննարկվել են նաեւ տնտեսության եւ պաշտպանության ոլորտներում երկկողմ համագործակցության ընթացիկ եւ հեռանկարային հարցերը:

Տարածաշրջանում տիրող իրավիճակի համարեքստում Նիկոլ Փաշինյանն ընդգծել է խաղաղության եւ կայունության պահպանության առումով ՌԴ առանցքային դերակատարումը: Կողմերը շեշտել են ԵԱՀԿ Մինսկի խմբի համանախագահների գործունեության կարեւորությունը:

ՆՈՐԵՆՏԻՐ ԽՈՐՀՐԴԱՐԱՆԻ ԱՐԱՐԻՆ ՆԻՍՏԸ ԿՈՒՄԱՐՎԻ ՕԳՈՍՏՈՍԻ 2-ԻՆ

Ութերորդ գումարման Ազգային ժողովի առաջին նիստը կգումարվի օգոստոսի 2-ին: Հայաստանում արտահերթ խորհրդարանական ընտրություններն անցկացվեցին հունիսի 20-ին: Ընտրությունների արդյունքները Սահմանադրական դատարանում վիճարկել էր 4 քաղաքական ուժ` «Հայաստան» եւ «Պատիվ ունեմ» դաշինքները, «Զարթոնք» եւ «Հայոց հայրենիք» կուսակցությունները: Սահմանադրական դատարանը հուլիսի 17-ին հրապարակեց իր որոշումը` ուժի մեջ թողնել Հայաստանի Կենտրոնական ընտրական հանձնաժողովի որոշումը 2021 թվականի հունիսի 20-ին կայացած արտահերթ խորհրդարանական ընտրությունների արդյունքների մասին:

ՌՈՐԵՆՏ ԶՈՋԱՐՅԱՆԸ ՀՐԱԾԱՐՎԵՅ ՊԱՏՎԱՍՏՎՈՐԱԿԱՆ ՄԱՆՈՒՑԻՅ

«Հայաստան» դաշինքի պաշտոնական ներկայացուցիչ Արամ Վարդեանյանը ԿԸՀ է ներկայացրել պարզամավորի մանդատից հրաժարվելու` Ռոբերտ Քոչարյանի որոշման մասին դիմումը:

- Համոզված եմ, որ հիմա ավելի ճիշդ է տեղս զիջել թիմակիցներին, որոնցից յուրաքանչյուրը, վստահ եմ, լավ պարզամավոր է դառնալու: Այս քայլով նաեւ իմ համաչափությունն եմ հայտնում հազարավոր թիմակիցներին, որոնք ինչ են փոխանցել այդ կարծիքը, որ Արցախի Հանրապետության ու Հայաստանի Հանրապետության նախագահի պաշտոններից հեղու պետք է չգայթակղվեմ պարզամավորի մանդատով: Վերջապես, ինչ չայն էին տալիս որպես դաշինքի վարչապետի թեկնածու,- նշել է Քոչարյանը:

ՎԱՐԴԱՐԵՎ ՀԱՐՈՒԹՅՈՒՆՅԱՆԸ ՀՐԱԾԱՐԱԿԱՆ Է ՏՎԵԼ

Հայաստանի պաշտպանության նախարարի պաշտոնակատար Վաղարշակ Հարությունյանը հրաժարական է տվել:

Նախարարի պաշտոնակատարի պաշտոնը կզբաղեցնի Զինված ուժերի գլխավոր շտաբի պետի տեղակալ Արշակ Կարապետյանը:

Հայաստանի վարչապետի պաշտոնակատար Նիկոլ Փաշինյանի որոշմամբ, Սուրեն Սահակյանն ազատվել է պաշտպանության նախարարի տեղակալի պաշտոնից:

ՕԼԻՄՊԻԱԿԱՆ ԽԱՂԵՐ - 2020



ՏՈԿԻՈՅՈՒՄ ՏՐՎԵՑ ՄԱՐԶԱԿԱՆ ՓԱՌԱՏՈՆԻ ՄԵԿՆԱՐԿԸ

ՀԱՅՈՂ ՄԵԿՆԱՐԿ ԵՎ ՀԱՐԹԱՆԱԿ ՄԱՐԹԵՆԶ ՎՐԱՍՏԱՆԻ ԵՎ ՀԱՅԱՍՏԱՆԻ ՄԱՐԶԱԿԱՆ ՊԱՏԿԻ ՊԱՇՏՊԱՆ ՄԵՐ ՄԱՐԶԻԿ-ՄԱՐԶՈՒՀԻՆԵՐԻՆ

Հունիսի 23-ին Տոկիոյում մեկնարկեցին 32-րդ ամառային Օլիմպիական խաղերը: Մարզական փառատոնը կեդրավակվի օգոստոսի 8-ին, իսկ օգոստոսի 24-ից սեպտեմբերի 5-ը նույն Տոկիոյում կանցկացվեն պարաօլիմպիական խաղերը:

Տոկիոյի Օլիմպիական խաղերում ընդգրկված են 33 մարզաձևեր, իսկ մրցումները կանցկացվեն 43 մարզադահլիճում, որոնցից 25-ն արդեն իսկ գործել են, 8-ը նոր են կառուցվել, իսկ 10-ը ժամանակավոր բնույթ են կրում:

Ընդհանուր հաշվարկով կիսադարկվի մեդալների 339 զույգ հավաքածու՝ 33-ով ավելի, քան Ռիո դե Ժանեյրոյի 2016 թվականի Օլիմպիական խաղերում էր: Նախորդ խաղերի համեմատ, այստեղ ավելացել են կարատեն, սերֆինգը, ժայռամագլցումը եւ սքեյթբորդը: Նշենք, որ պարաօլիմպիկ (միջազգային մարզական խոշոր մրցաշար հաշմանդամություն ունեցող անձանց համար) խաղերը կանցկացվեն 22 մարզաձևերում:

Օլիմպիական ավանդ, որը նախատեսված է մարզիկների եւ ազգային պատվիրակությունների համար, զբաղեցնում է 44 հեկտար, որտեղ միաժամանակ կարող է բնակվել ավելի քան 18 հազար մարդ:

Տոկիոյի 32-րդ ամառային Օլիմպիական խաղերում ամենամեծ պատվիրակությունն ունի ԱՄՆ-ի թիմը, որում ընդգրկված է 613 անդամ: Ամենափոքր պատվիրակությունները, որոնք բաղկացած են 2-ական մարզիկից, ունեն Բերմուդ-

յան կղզիները, Սոմալի, Անդորրան, Լեսոտոն եւ այլն: Այս խաղերում ամենաերիտասարդ մասնակիցը 12-ամյա Ջեդո Ջազան է Սիրիայից, ով հանդես է գալու բենիսի մրցաշարում, իսկ ամենատարեց մարզիկը 66-ամյա ավստրալացի հեծյալն է, ով իր ուժերը կփորձի ձիասպորտում:

Հիշեցնենք, որ Օլիմպիական խաղերին Վրաստանի հավաքականը մասնակցում է 11 մարզաձևում 35 մարզիկներով, որոնց թվում է գնդի իրման վարժությունում մեր հայրենակից, թբիլիսցի Բենիկ Աբրահամյանը, իսկ Հայաստանի թիմը 8 մարզաձևում՝ 17 մարզիկներով:

Տոկիոյի Օլիմպիական խաղերը, ընդհանուր առմամբ, արժեն 15.4 միլիարդ ԱՄՆ դոլար:

Ավելացնենք, որ Օլիմպիական պետք է կայանար անցյալ տարի, սակայն հետաձգվեց կորոնավիրուսի համաճարակի պատճառով: Նաեւ Օլիմպիական այս խաղերը միակն են ամբողջ պատմության ընթացքում, որտեղ բացման արարողությանը երկրպագուներ ներկա չեն եղել: Բացի այդ, Միջազգային օլիմպիական կոմիտեն հայտարարել է, որ Օլիմպիական, որը կանցնի առանց հանդիսատեսի, «անվտանգ եւ պաշտպանված» կլինի:

ՆՈՐ ԳԻՐԸ

ՍԵՐ, ՀՈՒՄՈՐ, ԴԱՌՆՈՒԹՅՈՒՆ. ԳՈՒՐԱՄ ԴՈՉԱՆԱՇՎԻԼԻ ՍԻՐՎԱԾ ՊԱՏՄՎԱԾՔԸ ԹԱՐԳՄԱՆՎԵԼ Է ՀԱՅԵՐԵՆ

Ընթերցողներն այսուհետ կարող են հայերեն կարդալ վրաց գրող Գուրամ Դոչանաշվիլիի «Մարդը, որը շատ էր սիրում գրականություն» գիրքը, որի շնորհանդեսը տեղի ունեցավ հունիսի 21-ին Հայաստանի գրողների միությունում:



Միության նախագահ Եվգենի Միլիտոնյանն ընդգծեց, որ սերտ հարաբերություններ ունեն Վրաստանի գրողների միության հետ. հատկապես մինչ համավարակը հաճախ են մասնակցել գրական հանդիսությունների, գրքերի շնորհանդեսների եւ մի շարք այլ միջոցառումների: Խոսելով Գուրամ Դոչանաշվիլիի գրականության մասին՝ Միլիտոնյանն ասաց, որ հեղինակը գրական աշխարհ է մուտք գործել 1970-80-ական թվականներին: «Նրա գրականությունը համեմված է խորհրդային Միության բացերի, թերությունների դեմ պայքարի ոգով: Այս գիրքը եւս այդպիսին է: Միջոցառմանը ներկա էր Հայաստանում Վրաստանի արտակարգ եւ լիազոր դեսպան Գիորգի Սազանելիձեն: Նա ընդգծեց՝ երջանիկ է, որ հնարավորություն ունի վրացի դասական գրողի շնորհիվ ներ-

կայացնել Հայաստանում: «Ցավոք, պարոն Դոչանաշվիլին այս տարի մահացավ. եթե կենդանի լիներ, անպայման ներկա կլիներ այս միջոցառմանը: Դեսպանը շնորհակալություն հայտնեց թարգմանիչներ Գելա Գելաշվիլին եւ Ջեննի Թամարյանին, որոնց շնորհիվ հայ ընթերցողը հրաշալի հնարավորություն ստացավ ծանոթանալու այս հրաշալի պատմվածքին: «Մարդը, որը շատ էր սիրում գրականություն» գրքի թարգմանիչներն են թբիլիսցի դիվանագետ Գելա Գելաշվիլին եւ երեսանցի Ջեննի Թամարյանը, խմբագիրը Գայանե Գելորգյանն է, նկարիչը՝ Քեթևան Կոբախիձեն:

ՖՈՒՏԲՈԼ

ՎՐԱՍՏԱՆԻ ԵՎ ՀԱՅԱՍՏԱՆԻ ԹԻՄԵՐԻ ԱՆՀԱՋՈՂ ՄԵԿՆԱՐԿԸ ԿՈՆՖԵՐԵՆՑԻԱՆԵՐԻ ԼԻԳԱՅՈՒՄ

ԶԵՄՊԻՈՆՆԵՐԻ ԼԻԳԱՅԻ ԵՐԿՐՈՐԴ ՓՈԽՈՒՄ ՊԱՐՏՎԵՑ ՆԱԵՎ ԵՐԵՎԱՆԻ «ԱՄԱՆԿԵՐՏԸ»

Հունիսի 20-ին, ֆուտբոլի Չեմպիոնների լիգայի որակավորման երկրորդ փուլի շրջանակներում, Հայաստանի չեմպիոն «Ալաշկերտ»-ը երեւանում հյուրընկալեց մոլդովական «Շերիֆ»-ին եւ պարտություն կրեց 0:1 հաշվով:

Թիմերի պատասխան հանդիպումը կկայանա հունիսի 27-ին, Մոլդովայում:

Վրաստանի եւ Հայաստանի թիմերն անհաջող մեկնարկեցին նաեւ ՌԷԲԱ-ի Կոնֆերենցիաների լիգայի երկրորդ փուլում: Թբիլիսիի «Դինամոն» սեփական հարկի տակ ընդունել էր Իսրայելի Հայֆա քաղաքի «Մակաբի» թիմին եւ

պարտություն կրեց 1:2 հաշվով: Նվազագույն 0:1 հաշվով, սեփական հարկի տակ, Կոնֆերենցիաների լիգայի երկրորդ փուլում պարտություն կրեց նաեւ Բաթումիի «Դինամոն»: Այն ընդունել էր բելառուսական Բորիսոփո քաղաքի «ԲԱՏԵ» թիմին:

Անհաջողությունը ուղեկցեց նաեւ Երեւանի «Արարատին»՝ լեհական «Շլյոնսկ» թիմի հետ մեկամարտում: Երեւանցիները մրցակցին զիջեցին 2:4 հաշվով:

Պատասխան հանդիպումները մրցակցի դաշտում կանցկացվեն հունիսի 29-ին:

Նինոսմինդայի մունիցիպալիտետի քաղաքապետարանը, սակրեբուլոն, «Վրաստան» թերթը խորապես ցավակցում են Վրաստանի խորհրդարանի պատգամավոր Սմբատ Կյուրեղյանին, նրա հորեղբոր որդուն՝ **Ազատ Լեւոնի ԿՅՈՒՐԵՂՅԱՆԻ**




վաղաժամ մահվան կապակցությամբ եւ իրենց վշտակցությունն են հայտնում հանգուցյալի ընտանիքի անդամներին ու մերձավորներին:

Մելս Բոդյանը, Ջուլիեր Գելաշվիլին, Վան Բայրուրյանը, Պետրոս Հովսեփյանը, Սամվել Քսադյանը, Գուրգեն Բոդյանը, Վաղինակ Նանայանը իրենց վշտակցությունն են հայտնում Ախալքալաքի շրջգործկոմի նախկին նախագահ Իվանե (Վալիկո) Բալիաշվիլուն, սիրելի որդու՝

Գիա Իվանեի ԲԱԼԻԱՇՎԻԼՈՒ

վաղաժամ մահվան կապակցությամբ եւ ցավակցում են հանգուցյալի հարազատներին ու մերձավորներին:



ՀՈՐԻԶՈՆԱԿԱՆ. 3.Փականք, բացել-փակելու հարմարանք: 4.Ազրեգատների եւ սարքերի ամբողջություն, որը վերափոխում է էներգիան եւ/կամ շարժման ձեւը: 8.XIII դարի հայ պատմիչ, վարդապետ՝ Կիրակոս ...: 11.Ձեռքի հարված դեմքին: 14.Պիճը, ամուր: 15.Ասորեստանի թագուհի: 16.Չմեռային մարգագույք: 17.Մարտիկ, զինվոր: 21.Վայրի (կենդանի): 22.Գետ եւ քաղաք Վրաստանում: 23.Կաթնամթերք: 26.Օպտիկական սարք, որը խոշորացնում է հեռվում գտնվող առարկաների պատկերը: 27.Լեռ թբիլիսիում: 28.Նեղ ճանապարհ, կածան:

ՈՒՂՂԱՆՅԱՆ. 1.XIX դարի ուկրաինացի բանաստեղծ ... Շեչենկո: 2.Ոտքի հարված: 5.Բակի, շենքի մուտքի մեծ դուռ: 6.Մերձբալթյան պետություն: 7.Անձրեկից հետո բացվող յոթնագույն կամար: 9.Կառույց մարզական նպատակների համար: 10.Այգեգործ, այգեպան: 12.Գին, արժեք: 13.Կոմպլեկտ, լրակազմ: 18.Սար Վրաստանի Լիխի լեռնաշղթայում: 19.Ֆրանսիացի դերասանուհի, երգչուհի եւ ֆոտոմոդել՝ Վանեսա ...: 20.Գետ Կողորիի բարձրավանդակում: 24.Քաղաք Վրաստանի Կախեթի երկրամասում: 25.Հայ եկեղեցու 10-րդ կաթողիկոսը ... Ա Պարթեւ:

Կազմեց **ԷԼԼԱ ԱԹԱՐԵԿՅԱՆԸ**

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Գաբրիել: 5.Շուշանիկ: 9.Տարտու: 10.Տաթև: 11.Տեր: 12.Ինի: 14.Ես: 16.Ուս: 17.Ատր: 18.Վառնա: 19.Անդրե: 22.Կնքել: 24.Աղամո: 28.Քել: 29.Եղիշե: 30.Արես: 32.Տենոր: 33.Սիրաս: 36.Սատանա: 38.Վրա: 39.Մարե: 41.Արշավ: 44.Սինաս: 45.Ազեվազ: 47.Ձալի: 49.Հալեպ: 50.Դիրլո: 52.Ան: 53.Գանա: 54.Անապա: 55.Թունիս: 57.Սողոմոն:

ՈՒՂՂԱՆՅԱՆ. 1.Գետիկվանք: 2.Բարդի: 3.Իմունիտետ: 4.Լատիշ: 5.Շոթա: 6.Շեչենկո: 7.Նատո: 8.Կարուսել: 13.Նար: 15.Սան: 20.Դնեպր: 21.Վաղես: 23.Քարշ: 25.Դինար: 26.Աշոտ: 27.Մերանի: 29.Ետ: 31.Սոսե: 33.Սիամանթո: 34.Ավագանի: 35.Սրվել: 37.Ամազոն: 40.Ասալա: 42.Շահանե: 43.Սապատ: 46.Վեգ: 48.Իսամի: 50.Դաթո: 51.Րաժո: 56.Սի:

Գլխավոր խմբագիր՝ **ՎԱՆ ԲԱՅԲՈՒՐԹՅԱՆ**

Գլխ. խմբագրի տեղակալ՝ **ՅՈՒՐԻ ՊՈՂՈՍՅԱՆ**

Համարի պատասխանատու՝ **ԳԱՅԱՆԵ ԲՈՍՏԱՆՋՅԱՆ**

Համակարգչային ծեւավորումը՝ **ՏԻԳՐԱՆ ՍԻՐԱԴԵՂՅԱՆ**

ՔՅՅԵՈ ՅՈՆԱՅՅԵՄՈ: ՄԺԾԼՈՆՈ 0105, ՃԱՄԲԵՂՈՆ ՄՅՅԱ 5, Սեր հասցեն՝ Թբիլիսի 0105 Գ.Աթոնելի փ. 5
ԹՅԼ. Հեռ. 2990-739, 2990-774
www.vrastan.ge E-mail: vrastan.press@gmail.com
 Գրանցման վկայական № 4 Կ - 1439
 «ԿՈՆՈՐ» հրատարակչություն

«ՑճԵԹՅՈՒՆ»
 ՄԺԾԼՈՆՈ, ՆԱՅՅԵՄԵՂՈ
 «BPACTAH»
 Тбилиси, Грузия
 <VRASTAN>
 Georgia, Tbilisi
 Индекс 66445